

補刊他砂里橋廟人物壽民節烈

五品銜候選按照磨何夢熊

貢生 周建子

庠生 何定祥

貢生 杜舉

廩生 何霖祥

採輯董士

橋廟

文昌宮距城南六十里招頭寨規模宏敞設立東西兩齋以為義學之所何呈德倡首督修

龍山縣志

補刊

一

赫神廟距城南六十里招頭寨

關帝宮距城南六十里官廳場

觀音閣距城南七十五里上他砂清平山

玉皇閣距城南八十里岩門口轎頂山

奎星閣距城南六十里招頭寨河對門坡頂係杜宗純何錫祥

陳先甲何夢熊 倡首募修

資英塔距城南七十五里他砂去水口瑪瑙凸陳先甲李文燦

全建

體志橋距城南六十里招頭寨石磴四座涼亭七間通

官廳要道係何姓專修

建義橋距城南六十里招頭寨石磴二座係陳何范三
姓同修橋木涼亭係何錫祥倡首督修

勸善橋距城南八十里岩門口係胡克祥募化督修

善哉橋距城南七十五里火燒岩坡腳通百福要道

濟人道橋距城南七十里底湖通毛坪要道

申明亭距城南六十里建義橋首係何錫祥倡首募修

人物

何呈德字克明號峻修太學生他砂樂善人也秉性渾

龍山縣志

補刊

二

樸髻齡失怙事孀母八十餘極孝積學有素取脩三次
因督家政遂列成均體先父志偕兄呈賢建花鹿溪石
橋三座每值歲暮難度者酌予升斗辛卯歲大饑貴糴
賤糶費金三百餘熊某目瞽無依輒養葬之張某瑩立
失所遂撫成之讓里某債隱焚券據息鄉某訟暗墊錙
銖戚友某難殯贈以己之衣棺並自卜壽藏且本城建
塔設院各捐百金以及育嬰緣建義會平道修渡遇凡
義舉靡不樂勦尤難爲者倡首督修
文昌宮開墾學田三次捐貲不下千餘緡因公忘私夙

夜焦勞如是者三十餘年一切實蹟詳載何子貞先生所撰七秩壽言淑配游氏徽音克嗣孝敬罔懈夫有善舉素相樂助子六訓誨有方叶祥五品銜候選百祥邑庠生考祥太學生定祥邑庠生錫祥正九品霖祥邑廩生女四均適名門諸孫崢嶸迭起內有登國學入武庠餘俱業儒氏卒年六十有五無疾死而復甦命子孫不必泣上帝念我相夫爲善旌旗擁道勅封爲神語畢溘然而逝德卒年七十有四臨終更衣辭祖端坐中堂呼子孫各囑並云車馬造廬炮聲盈耳汝母同接不知何往遂瞑目焉街鄰咸目

龍山縣志

補刊

三

覩之恍聞鸞鈴鼓樂之音爲陽差者稱作澧州城隍傳爲異事以子貴

例贈奉直大夫 妻贈宜人

前令李熾福題贈壽聯

有猷有爲有守 多福多壽多男

前令葉彝光題贈輓聯

回首七十年閱盡滄桑垂範合畱耆舊傳

比肩二三子纘成堂構誦芬長戀禮詩庭

黃爲漢他砂太學生勤儉興家詩書啟後子三長國模

邑庠生

次國基

縣丞

三國幹均成立諸孫亦崢嶸迭起卒

年八十有二妻何氏敬夫如賓事翁姑極孝現年九十鶴髮童顏含飴足樂漢以子貴

貽贈徵仕郎 氏贈孺人

向祖興他砂太學生為人慷慨好施與每值年荒歲暮糴米減價出售凡遇義舉罔不樂從子三長允文由國學

翰林待詔銜素精揆星通河洛著有地理辨正昭解待梓

次文元

由國學沐保巡檢儘先選用

三

光楚

保給六品頂戴

均體前志輕財重義咸豐十一年髮匪竄

境伯仲捐餉募勇三百護城同治二年賊由黔江龍潭

龍山縣志

補刊

四

復起又捐資募勇五百奉 府憲張委帶克字前營防

堵里耶為地方圖安全 興卒年七十有二以子貴

例贈修職郎

向道化

字

育萬太學生籍溆浦元封義士諱賢伯之後

裔也父達玠世以儒顯乾隆初卜居龍邑之他砂里居

積致富而化承先志姪先澤生僅九月輔養以成巨業

蓋勤儉克家端方持己歲荒則貴糴賤糶里有爭訟必

為排解曲盡其道鄉黨咸稱頌焉迨咸豐辛酉秋長髮

跳梁出穀二百担約眾防堵於內人坡萬戶橋等處又

好施濟如永郡觀音岩西門橋本境文昌黑神諸宮以
及學田捐修約數百計尤人之所難能也壽九四無疾
而終生子四長先統邑庠生次先端候補直隸分州次
先點候補巡檢季先上附貢生俱秉禮守義以孝友聞
今以子貴例贈承德郎以孫貴 覃恩貤贈通奉大夫
其食報正未有艾歟

計

觀音岩捐銀五十兩 西門橋捐錢一百二十千文

文昌宮捐錢八百千文 赫神廟捐錢六十千文

龍山縣志

補刊

五

卷田捐錢一百一十千文

烈士

陳恩璋 字 玉瓚他砂里太學生積學有素業應鄉試爲
人激烈有膽識嘗云士當報國何惜捐軀咸豐十一年
髮匪竄境捐貲練團防堵賊勢猖蹶被虜不從罵賊身
亡卒年三十有二遺子二女二待妻撫養

陳世 琛瑤 永桂之叔季子也素有膽識負激烈氣咸豐辛

酉冬髮匪竄境謂兄伯仲侍親避難弟二人帶勇堵卡
爲地方團保安詎料賊勢猖蹶兄弟被虜不從遂相偕

遭戮

壽民

何烈炆

字

會友乾隆年間挈子先

徽朝

由星沙徙龍邑住

他砂忠厚傳家詩書啟後里有善舉靡不樂從兩房子
孫均爲發越卒年九十有六

梁明典他砂里人耕讀爲本勤儉持家現年一百零四
歲精神矍鑠猶記遠年事子慶

元邦

胡德元他砂里人秉性公正善於排難遇有義舉相勸
相助生平以筆代耕門下采芹食餼者不少現年九十

龍山縣志

補刊

六

猶目明耳聰課徒無倦色 前令李熾福詳請

皇恩旌表登仕郎子二鴻

範達

黃羅氏才禮之妻爲漢之母卒年九十有二

楊大訓他砂里人性謹厚不與人爭訟有古樸風現年
八十有六妻張氏現年八十有六

楊大年

字

壽祺他砂里人性誠樸積學未售居家儉約

而好義現年八十有二子宗

金介愈

俱業儒

曾福兆他砂正直人持家嚴肅慷慨好善凡遇美舉靡
不樂勸與妻金氏偕老福卒年九十有一氏卒年九十

有三子焜

邑庠生

現年八十猶手不釋卷髦老好學

范大經他砂人性誠樸有太古風妻羅氏齊眉衍慶經

卒年九十有一氏卒年九十有四子三長祖光

貢生德鏞之父

卒年八十有四次祖發卒年八十有三祖應

邑庠生廩生

渠之祖

卒年八十有三媳女俱登髦鬢壽出一門經已請

旌表登仕郎 氏贈孺人

瞿朝貴他砂里人性誠慤勤儉創業卒年九十有七妻

嚴氏卒年九十有六子金魁事親最孝教子有方現年

九十有四妻涂氏卒年八十有一孫四輝

楚國廷

輝南

太學生

龍山縣志

補刊

七

陳熙攀他砂里人性渾樸善治家子七均成立生齒蕃

衍與妻范氏偕老前後八日相繼而逝攀卒年八十有

二氏卒年八十有五

陳永桂他砂公正士也勤儉創業性素好善當門建橋

一座元配謝氏徽音聿昭子四均成立課讀有方長世

瑞次世理三世瑤先後補弟子員世琛亦取侑生諸孫

並迭見桂卒年八十有四氏卒年七十有二

黃金聲他砂里庠生性剛直樂善人有過面叱不諱人

亦無怨之者妻何氏白首相莊家教綦嚴子鳳喈孫有

爲能俱遊泮有聲庠序金卒年七十有九妻卒年八十有

二

節烈

張氏他砂何先徽之妻太學生呈德之母也孝親敬夫賢聲聿著夫素好善一切解衣推食修橋平道無不樂爲相助年二十六夫故矢志冰霜勤儉興家教子有方母兼父道有古賢姆風後諸孫崛起眼觀四代各房皆顯榮卒年八十有三與孀媳范氏於咸豐戊午科同請旌表入節孝祠 學憲張題贈雙節增輝匾額以孫貴

龍山縣志

補刊

八

貽贈太孺人

范氏他砂何呈賢妻事姑最孝相夫極賢年二十八夫

故矢志柏舟撫繼子

百定

祥不啻己出延師課讀二子均

補弟子員太平庵下修石橋一座名曰體志用費不下千餘金與繼母張氏同請

皇恩旌表入節孝祠 學憲張並贈雙節增輝匾額卒年六十有八

胡氏他砂里范德懋妻年二十無嗣夫病兩載侍奉湯藥毋嫌倦夫故親手殯殮畢服毒而亡遂合葬焉里人

士欽其節烈樂爲舉報 學憲張題贈貞心烈魄四字匾並請

旌表入節孝祠

王氏他砂里楊大震妻秉性幽閒善治家而喜施二十五歲夫故堅志苦守事姑八十有餘極孝子甫半歲撫育維殷婚配教讀隻身獨理現年七十有七已請

旌表節孝子宗伯府經孫祖湘祖盛俱業儒

李氏他砂里楊大桂妻賦性溫柔助夫興家二十九歲夫沒矢志守節撫訓子女母兼父道里有善舉亦爲樂

龍山縣志

補刊

九

從可謂巾幗丈夫現年六十子宗仁太信業學生儒孫祖昭俱業儒

何氏他砂太學生陳恩璋妻秉性和順持家勤儉孝親敬夫徽音聿昭生子二鍾元女二俱幼咸豐十一年夫

被賊戮氏年二十六操勵冰霜獨身支持母兼父道擇師課讀子皆成立諸孫亦復迭起性尤好善捨棺槨施衣食凡屬義舉靡不樂從時苦節十八年邑人士皆稱爲巾幗丈夫

陳向氏世琛瑤之妻也二氏競名門淑女素識大義不特

以孝敬傳辛酉冬夫兄弟帶勇禦賊妻孥暫避洞中聞夫受戮啼泣不絕然賊猶將逼近勢處兩難不盡節恐受污概殉身恐斬祀各將子拋出洞外向氏挽一女邱氏挽二女並投溺於水舉家殞命者約計七人同處避難男女或逃或虜不可勝數向氏獨子年有十餘亦被虜無着邱氏遺二孤俱弱齡賊退幸遇救送歸焉先大父撫養婚讀均已成立二氏蒙 學憲白並請旌表節烈

黃李氏他砂俊秀黃大瑩妻年十八于歸事翁姑以孝

龍山縣志

補刊

十

稱二十六歲夫故遺孤五割次子以繼么房長子有典髻年入泮餘俱教育成立已蒙

旌獎前 學憲張贈筠心柏壽匾額卒年七十有九無疾而終